





阮嗣宗集卷下

魏 陳留阮籍著

明新安汪士賢校

詠懷詩八十二首

述懷八十二首者豈數極陽九而作邪意微旨遠見  
干命題志士發憤之所爲也讀籍詩者其知憂患乎  
籍作詠懷詩八十餘篇文選所錄者不多李善曰嗣  
宗身仕亂朝常恐罹謗遇禍因茲發詠故每有憂生  
之嗟雖志在刺譏而文多隱避百代之下難以情測也

其一



夜中不能寐起坐彈鳴琴薄帷鑒明月清風吹我襟  
孤鴻號外野翔鳥鳴北林徘徊將何見見憂思獨傷心

其二

誰言萬事難逍遙可終生臨堂翳華樹悠悠念無形  
彷徨思親友倏忽復至冥寄言東飛鳥可用慰我情

其三

嘉時在今辰零雨洒塵埃臨路望所思日夕復不來  
人情有感慨蕩漾焉能排揮涕懷哀傷辛酸誰與哉

其四

二妃遊江濱逍遙順風翔交甫懷環珮婉孌有芬芳  
倚靡情歡愛千載不相忘傾城迷下蔡容好結中腸  
感激生憂思萱草樹蘭房膏沐爲誰施其雨怨朝陽  
如何金石交一旦更離傷

其五

嘉樹下成蹊東園桃與李秋風吹飛藿零落從此始  
繁華有憔悴堂上生荆杞馳馬舍之去去上西山趾  
一身不自保何況戀妻子凝霜被舒草歲暮亦云已

其六



天馬出西北由來從東道春秋非有託富貴焉常保  
清露被臯蘭凝霜霑野草朝爲美少年夕暮成醜老  
自非王子晉誰能常美好

其七

平生少年時輕薄好絃歌西遊咸陽中趙李相經過  
娛樂未終極白日忽蹉跎驅馬復來歸反顧望三河  
黃金百鎰盡資用常苦多北臨太行道失路將如何

其八

昔聞東陵瓜近在青門外連畛距阡陌子母相鈎帶

五色曜朝日嘉賓四面會膏火自煎爇多財爲患害  
布衣可終身寵祿豈足賴

其九

炎暑惟茲夏三旬將欲移芳樹垂綠葉青雲自逶迤  
四時更代謝日月遞差馳徘徊空堂上切怛莫我知  
願覩卒歡好不見悲別離

其十

灼灼西墮日餘光照我衣迴風吹圓壁寒鳥相因依  
周周尚銜羽蛩蛩亦念饑如何當路子磬折忘所歸



豈爲夸譽名憔悴使心悲寧與燕雀翔不隨黃鵠飛  
黃鵠遊西海中路將安歸

其十一

步出上東門北望首陽岑下有采薇士上有嘉樹林  
良辰在何許凝霜霑衣襟寒風振山岡玄雲起重陰  
鳴鴈飛南征鷓鴣發哀音素質游商聲悽愴傷我心

其十二

北里多竒舞濮上有微音輕薄閑遊子俯仰乍浮沉  
捷徑從狹路僂俛趨荒淫焉見王子喬乘雲翔鄧林

獨有延年術可以慰吾心

其十三

湛湛長江水上有楓樹林皐蘭被徑路青驪逝駸駸  
遠望令人悲春風感我心三楚多秀士朝雲進荒淫  
朱華振芬芳高蔡相追尋一爲黃雀哀涕下誰能禁

其十四

懸車在西南羲和將欲傾流光耀四海忽忽至夕冥  
朝爲咸池暉濛汜受其榮豈知窮達士一死不再生  
視彼桃李花誰能久熒熒君子在何許歎息未合并



瞻仰景山松可以慰吾情

其十五

西方有佳人皎若白日光被服織羅衣左右被雙璜  
修容耀姿美順風振微芳登高眺所思舉袂當朝陽  
寄顏雲霄間揮袖凌虛翔飄飄恍惚中流盼顧我傍  
悅懌未交接晤言用感傷

其十六

昔日繁華子安陵與龍陽天天桃李花灼灼有輝光  
悅懌若九春馨折似秋霜流盼發姿媚言笑吐芬芳

携手等歡愛宿昔同衣裳願爲雙飛鳥比翼共翱翔  
丹青著明誓末世不相忘

其十七

登高臨四野北望青山阿松栢翳岡岑飛鳥鳴相過  
感慨懷辛酸怨毒常苦多李公悲東門蘇子挾三河  
求仁自得仁豈復歎咨嗟

其十八

開秋北涼氣蟋蟀鳴床帷感物懷殷憂悄悄令心悲  
多言爲所告繁辭將訴誰微風吹羅袂明月耀清暉



晨鷄鳴高樹命駕起旋歸

其十九

昔年十四五志尚好書詩被褐懷珠玉顏閔相與期  
開軒臨四野登高望所思丘墓蔽山岡萬代同一時  
千秋萬歲後榮名安所之乃悟羨門子噉噉今自寤

其二十

徘徊蓬池上還顧望大梁綠水揚洪波曠野莽浩浩  
走獸交橫馳飛鳥相隨翔是時鷄火中日月正相望  
朔風厲嚴寒陰氣不微霜羈旅無儔匹俛仰懷文伯

小人計其功君子道其常豈惜終憔悴詠言著斯草

其二十一

儔物終始殊修短各異方瑯玕生高山芝英耀朱堂  
熒熒桃李花成蹊將天傷焉敢希千術三春表微光  
自非凌風樹憔悴烏有常

其二十二

本集無此首而有  
幽蘭不可佩一首

青鳥海上遊鷲斯蒿下飛沉浮不相宜羽翼各有歸  
飄飄可終年沉瀆安是非朝雲乘變化光耀世所希  
精衛銜木石誰能測幽微



其二十三

楊朱泣岐路墨子悲染絲揖讓長離別飄飄難與期  
豈徒燕婉情存亡誠有之蕭索人所悲禍釁不可辭  
趙女媚中山譙柔愈見欺嗟嗟塗上士何用自保持  
於心懷寸陰羲陽將欲冥揮袂撫長劔仰觀浮雲征  
雲間有玄鶴抗志揚哀聲一飛冲青天曠世不再鳴  
豈與鷦鷯遊連翩戲中庭

其二十五

夏后乘靈輿夸父爲鄧林存亡從變化日月有浮沉  
鳳凰鳴參差伶倫發其音王子好簫管世世相追尋  
誰言不可見青鳥明我心

其二十六

鸞鳩飛桑榆海鳥運天池豈不誠宏大羽翼不相宜  
招搖安可翔不若栖樹枝下集蓬艾間上遊園圃籬  
但爾亦自足用子爲追隨

其二十七

本集鷦鷯下  
別爲一首

生命辰安在憂戚涕沾襟高鳥翔山岡鷦鷯雀棲下林



青雲蔽前庭素琴棲我心崇山有鳴鶴豈可相追尋  
鳴鳩嬉庭樹焦明遊浮雲焉見孤翔鳥翩翩無足群  
死生自然理消散何繽紛

其二十八

步遊三衢旁惆悵念所思豈爲今朝見恍惚誠有之  
澤中生喬松萬世未可期高鳥摩天飛凌雲共遊嬉  
豈有孤行士垂涕悲故時

其二十九

清露爲凝霜華草成蒿萊誰云君子賢明達安可能

乘雲招松喬呼翕永矣哉

其三十

丹心失恩澤重德喪所宜善言焉可長慈惠未易施  
不見南飛鷺羽翼正差池高子怨新詩三閭悼乖離  
何爲混沌氏倏忽體貌隳

其三十一

十日出陽谷弭節馳萬里經天耀四海倏忽潛濛汜  
誰言焮焮久遊沒何行俟逝者豈長生亦去荆與杞  
千歲猶崇朝一餐聊自已是非得失間焉足相譏理



計利知術窮哀情遽能止

其三十二

東南有射山汾水出其陽六龍服氣輿雲蓋覆天綱  
仙者四五人逍遙晏蘭房寢息一純和呼翕成露霜  
沐浴丹淵中炤耀日月光豈安通靈臺游滄去高翔

其三十三

自然有成理生死道無常智巧萬端出大要不易方  
如何夸毗子作色懷驕腸乘軒驅良馬憑几向膏梁  
被服織羅衣深榭設閑房不見日夕華翩翩飛路傍

其三十四

殷憂令志結怵惕常若驚逍遙未終晏朱華忽西傾  
蟋蟀在戶牖螻蛄號中庭心腸未相好誰云亮我情  
願為雲間鳥千里一哀鳴三芝延瀛洲遠遊可長生

其三十五

夸談快憤懣情慵發煩心疑是夸談噴憂懣情慵發煩心西北登不  
周東南望鄧林曠野彌九州崇山抗高岑一餐度萬  
世千歲再浮沉誰云玉石同淚下不可禁

其三十六



人言願延年延年欲焉之黃鵠呼子安千秋未可期  
簪冕安能處山岩在一時置此明朝事日夕將見欺  
一本第五句云獨坐山巒中惻愴懷所思王子亦何  
好猗靡相携持悅懌猶今辰計校在一時置此遊明  
朝日夕  
將見欺

其三十七

拔劍臨白刃安能相中傷但畏工言子稱我三江旁  
飛泉流玉山懸車栖扶桑日月徑千里素風發微霜  
勢路自窮達咨嗟安可長

其三十八

貴賤在天命窮達自有時婉孌佞邪子隨利來相欺  
孤思損惠施但爲讒夫蚩鶴鳴雲中載飛靡所期  
焉知傾側士一旦不可持

其三十九

驚風振四野迴雲陰堂隅牀帷爲誰設几杖爲誰扶  
雖非明君子豈聞桑與榆世有此壘隕芒芒將焉如  
翩翩從風飛悠悠去故居離麾玉山下遺棄毀與譽

其四十

朝登洪波顛日夕望西山荆棘被原野群鳥飛翩翩



鸞鷲時栖宿性命有自然庭木誰能近秋月復嬋娟  
不見林中葛延蔓相勾連

其四十一

危冠切浮雲長劍出天外細故何足慮高度跨一世  
非子爲我御逍遙遊荒裔顧謝西王母吾將從此逝  
豈與蓬戶士彈琴誦言誓

其四十二

周鄭天下交街術當三河妖冶閑都子煥耀何芬葩  
玄髮照朱顏睇眄有光華傾城思一顧遺視來相誇

願爲三春遊朝陽忽蹉跎盛衰在須臾離別將何如  
其四十三

河上有丈人緯蕭棄明珠其彼藜藿食樂是蓬蒿廬  
豈效繽紛子良馬騁輕輿朝生衢路旁夕瘞橫街隅  
歡笑不終晏俛仰復欹歔鑒茲二三者憤懣從此舒  
其四十四

儒者通六義立志不可干違禮不爲動非法不肯言  
渴飲清泉流饑食其一簞歲時無以祀衣服常苦寒  
屣履詠南風緼袍笑華軒信道守詩書義不受一餐



烈烈褒貶辭老氏用長歎

其四十五

獨坐空堂上誰可與親者出門臨水路不見行車馬  
登高望九州悠悠分曠野孤鳥西北飛離獸東南下  
日暮思親友晤言用自寫

其四十六

少年學擊刺妙伎過曲城英風截雲霓超世發奇聲  
揮劍臨沙漠飲馬九野坳旗幟何翩翩但聞金鼓鳴  
軍旅令人悲烈烈有哀情念我平常時悔恨從此生

其四十七

炎光延萬里洪川蕩湍瀨彎弓掛扶桑長劍倚天外  
泰山成砥礪黃河爲裳帶視彼莊周子榮枯何足賴  
捐身棄中野烏鳶作患害豈若雄傑士功名從此大

其四十八

平晝整衣冠思見客與賓賓客者誰子倏忽若飛塵  
裳衣佩雲氣言語究靈神須臾相背棄何時見斯人

其四十九

多慮令志散寂寞使心憂翱翔觀彼澤撫劍登輕舟



但願長閑暇後歲復來遊

其五十

嗣宗及復首陽之嘆而有徘徊何之之悲且鬱然思妖姬蓋罪禍胎厲階之心中若切齒而意則婉揚嗟乎

朝出上東門遙望首陽基松栢鬱森沉黃鸝

一作相

與嬉逍遙九曲間徘徊欲何之念我平居時鬱然思

妖姬

其五十一

王子十五年遊衍伊洛濱朱顏茂春華辯慧懷清真  
焉見浮丘公舉手謝時人輕蕩易恍惚飄飄棄其身

飛飛鳴且翔揮翼且酸辛

其五十二

壯士何慷慨志欲威八荒驅車遠行役受命念自忘  
良弓挾烏號明申有精光臨難不顧生身死魂飛揚  
豈為全軀士效命爭戰場忠為百世榮義使令名彰  
垂聲謝後世氣節故有常

袁魏之世安得有此壯士哉宜無以繫嗣宗之思也

其五十三

塞門不可出海水焉可浮朱明不相見奄昧獨無侯  
持爪思東陵昔雀誠獨羞失勢在須臾帶劔上吾丘



悼彼桑林子涕下自交流假乘汧渭間安馬去行遊  
其五十四

洪生資制度被服正有常尊卑設次序事物齊紀綱  
容飾整顏色罄折執圭璋堂上置玄酒室中盛稻粱  
外厲貞素談戶內滅芬芳放口從裏出復說道義方  
委曲周旋儀姿態愁我腸

其五十五

若花燿四海扶桑翳瀛洲日月經天塗明暗不相投  
窮達自有常得失又何求豈效路上童攜手共遨遊

陰陽有變化誰云沉不浮朱甍躍飛泉夜飛過吳洲  
俛仰運天地再撫四海流繫累名利場駑駿同一輜  
豈若遺耳目升遐去殷憂

其五十六

北臨乾昧谿西行遊少任遙顧望天津駘蕩樂我心  
綺靡存亡門一遊不再尋儻遇晨風鳥飛駕出南林  
漭漭瑤光中忽忽肆荒淫休息晏清都超世又誰禁

其五十七

昔余遊大梁登于黃華顛共工宅玄冥高臺造青天



幽荒邈悠悠悽愴懷所憐所憐者誰子明察應自然  
應龍沉冀州妖女不得眠肆侈陵世俗豈云永厥年

其五十八

驅車出門去意欲遠征行征行安所如背棄夸與名  
夸名不在已但願適中情單帷蔽皎日高榭隔微聲  
讒邪使交流浮雲今晝冥嫵婉同衣裳一顧傾人城  
從容在一時繁華不再榮晨朝奄復暮不見所歡形  
黃鳥東南飛寄言謝友生

其五十九

駕言發魏都南向望吹臺蕭管有遺音梁王安在哉  
戰士食糟糠賢者處蒿萊歌舞曲未終秦兵已復來  
林夾非吾有朱宮生塵埃軍敗華陽下身竟爲土灰

其六十

人知結交易交友誠獨難險路多疑惑明珠未可干  
彼求饗太牢我欲并一餐損益生怨毒咄咄復何言

其六十一

朝陽不再盛白日忽西幽去此若俯仰如何以九秋  
人生若塵路天道竟悠悠齊景升丘山涕泗紛交流



孔聖臨長川借逝忽若浮去者余不及來者吾不留  
願登太華山上與松子遊漁父知世患乘流泛輕舟

其六十二

一日復一夕一夕復一朝顏色改平常精神自捐消  
宵中懷湯火變化故相招萬事無窮極知謀苦不饒  
但恐須臾間魂氣隨風飄終身履薄冰誰知我心焦

其六十三

一日復一朝一昏復一晨容色改平常精神自飄淪  
臨觴多哀楚思我故時人對酒不能言悽愴懷酸辛

願耕東臯陽誰與守其真愁苦在一時高行傷微身  
曲直何所爲龍蛇爲我隣

其六十四

有悲則有情無悲亦無思苟非唯網罟何必萬里畿  
翔風拂重霄慶雲招所晞灰心寄枯宅曷顧人間姿  
始得忘我難焉知嘿自遺

其六十五

木槿榮丘墓煌煌有光色白日頽林中翩翩零落側  
蟋蟀吟戶牖螻蛄鳴荆棘蟬蛸玩三朝采采修羽翼



衣裳爲誰施俛仰自收拭生命幾何時慷慨各努力  
其六十六  
修塗馳軒車長川載輕舟性命豈自然勢路有所由  
高名令志惑重利使心憂親昵懷反側骨肉還相讐  
更希毀珠玉可用登遨遊

其六十七

橫術有竒士黃駿服其箱朝起瀛洲野日夕宿明光  
再撫四海外羽翼自飛揚去置世上事豈足愁我腸  
一去長離絕千歲復相望

其六十八

混元生兩儀四象運衡璣曠日布炎精素月垂景輝  
咎度有昭回哀哉人命微飄若風塵逝忽若慶雲晞  
修齡適余願光寵非已威安期步天路松子與世違  
焉得凌霄翼飄飄登雲巍嗟哉尼父志何爲居九夷

其六十九

天網彌四野六翮掩不舒隨彼紛綸客汎汎若鳧鷖  
生命無期度朝夕有不虞列仙停修齡養志在冲虛  
飄飄雲日間邈與世路殊榮名非已寶聲色焉足娛



採藥無旋返神仙志不符逼此良可惑令我久躊躇

其七十

時有否泰事多盈乖故欲思園綺南岳伯陽西戎爲保哲之計進說于上世清風之士意遠詞悲矣

王業須良輔建功俟英雄元凱康哉美多士頌聲隆  
陰陽有舛錯日月不常融天時有否泰人事多盈冲  
園綺遯南岳伯陽隱西戎保身今道真寵耀焉足崇  
人誰不善始尠能尅厥終休哉上世士萬載垂清風

其七十一

世務何繽紛人道苦不遑壯年以時逝朝露待太陽

願覽羲皇轡白日不移光天階路殊絕雲漢邈無梁  
濯髮暘谷濱遠遊崑岳傍登彼列仙岵採此秋蘭芳  
時路鳥足爭太極可翱翔

其七十二

猗歟上世士恬淡志安貧季葉道陵遲馳騫紛垢塵  
甯子豈不類楊歌誰肯殉栖栖非我偶徨徨非已倫  
咄嗟榮辱事去來未道真道真信可娛清潔存精神  
巢由抗高節從此適河濱

其七十三



梁東有芳草一朝再三榮色容豔姿美光華耀傾城  
豈爲明哲士妖蠱諂媚生輕薄在一時安知百世名  
路端便娟子但恐日月傾焉見真靈木悠悠竟無形

其七十四

稅駕安可學東野窮路旁綸深魚淵潛矰設鳥高翔  
汎汎乘輕舟演漾靡所望吹噓誰以益江湖相捐忘  
都冶難爲顏修容是我常茲年在松喬恍惚誠未央

其七十五

咄嗟行至老僂俛常苦憂臨川羨洪波同始異支流

百年何足言但苦怨與讎讎怨者誰子耳目還相羞  
聲色爲胡越人情自逼迢招彼玄通士去來歸羨遊

其七十六

昔有神仙士乃處射山阿乘雲御飛龍噓翕噉音小  
機食

也瓊華可聞不可見慷慨嘆咨嗟自傷非疇類愁苦  
來相加下學而上達忽忽將如何

其七十七

林中有竒鳥自言是鳳凰清朝飲醴泉日夕栖山岡  
高鳴徹九州延頸望八荒適逢商風起羽翼自摧藏



一去崑崙西何時復迴翔但恨處非位愴恨使心傷

其七十八

出門望佳人佳人豈在茲三山招松喬萬世誰與期  
存日有長短慷慨將焉知忽忽朝日隕行行將何之  
不見季秋草摧折在今時

其七十九

昔有神仙者羨門及松喬翕習九陽間升遐一作躋  
雲霄人生樂長久百年自言遼白日隕隅谷一夕不  
再朝豈若遺世物登明遂飄飄

其八十

鴻鵠相隨飛浩渺運荒裔揮翮凌長風須臾萬里逝  
朝餐琅玕實夕栖丹山際抗身青雲中網羅孰能制  
豈與鄉曲士攜手共言誓

其八十一

墓在熒熒者木槿耀朱華榮好未終朝連颿隕其葩  
豈若栖山草琅玕與丹禾垂影臨層城餘光照九阿  
寧微少年子日夕難咨嗟

其八十二





原件破损



幽蘭不可佩，朱草爲誰榮。  
修竹隱山陰，射臨增城。  
葛藟延幽谷，區縣瓜瓞生。  
樂極消靈神，哀深傷人情。  
竟知憂無益，豈若歸太清。

嗣宗當魏晉禪代，邁會陽力，憤結于詩，志寓諸數，渾素高邁，莫究其端，詩廢酒狂，從世訾毀，百代之下，真難以情測者哉。

詠懷詩三首

天地網緼元精代，序清陽曜靈和風容。  
與明日映天，甘露被宇，蒼鬱高松，猗那長楚草，  
蟲哀鳴，鷓鴣振羽，感時興思，企首延佇，於赫帝朝，伊衡作輔，才非允文。

器非經武，適彼沅湘，託分漁父，優哉游哉，爰居爰處。

其二

月明星稀，天高氣寒，桂旗翠旌，珮玉鳴鸞，  
被服蕙蘭，思從二女，適彼湘水，幽聽微遠，  
玉顏灼灼，春華綠葉，含丹日月，逝矣惜爾。

其三

清風蕭蕭，脩夜漫漫，

對食忘餐，

重華啓庸，帝命



阮籍傳

見晉書

阮籍字嗣宗陳留尉氏人也父瑀魏丞相掾知名於世籍容貌瓌傑志氣宏放傲然獨得任性不羈而喜怒不形於色或閉戶視書累月不出或登臨山水經日忘歸博覽群籍尤好莊老嗜酒能嘯善彈琴當其得意忽忘形骸時人多謂之癡惟族兄文業每嘆服之以爲勝已由是咸共稱異籍嘗隨叔父至東郡兗州刺史王昶請與相見終日不關一言自以不能測太尉蔣濟聞其有雋才而辟之籍詣都亭奏記曰伏



惟明公以含一德之據上台之位英豪翹首俊賢抗足開府之日人人自以爲掾屬辟書始下而下走爲首昔子夏在於西河之上而文侯擁篲鄒子處於黍谷之陰而昭王陪乘夫布衣韋帶之士孤居特立王公大人所以禮下之者爲道存也今籍無鄒卜之道而有其陋猥見採擇無以稱當方將耕於東臯之陽輸黍稷之餘稅負薪疲病足力不疆補吏之召非所克堪乞迴謬恩以光清舉初濟恐籍不至得記欣然遣卒迎之而籍已去濟大怒於是鄉親共喻之乃就

吏後謝病歸復爲尚書郎少時又以病免及曹爽輔政召爲叅軍籍因以疾辭屏於田里歲餘而爽誅時人服其遠識宣帝爲太傅命籍爲從事中郎及帝崩復爲景帝大司馬從事中郎高貴鄉公卽位封關內侯徙散騎常侍籍本有濟世志屬魏晉之際天下多故名士少有全者籍由是不與世事遂酣飲爲常文帝初欲爲武帝求婚於籍籍醉六十日不得言而止鍾會數以時事問之欲因其可否而致之罪皆以酣醉獲免及文帝輔政籍嘗從容言於帝曰籍平生曾



遊東平樂其風土帝大悅卽拜東平相籍乘驢到郡  
壞府舍屏鄣使內外相望法令清簡旬日而還帝引  
爲大將軍從事中郎有司言有子殺母者籍曰嘻殺  
父乃可至殺母乎坐者怪其失言帝曰殺父天下之  
極惡而以爲可乎籍曰禽獸知母而不知父殺父禽  
獸之類也殺母禽獸之不若衆乃悅服籍聞步兵尉  
營人善釀有酌酒三百斛乃求爲步兵校尉遺落世  
事雖去佐職恒遊府內朝宴必與焉會帝讓九錫公  
卿將勸進使籍爲其辭籍沉醉忘作臨詣府使取之

凡籍方據按醉眠使者以告籍使書按使爲之無所  
改竄辭甚清壯爲時所重籍雖不拘禮教然發言玄  
遠口不減否人物性至孝母終止與人圍碁對者求  
止籍留與決賭旣而飲酒二斗舉聲一號吐血數升  
及將葬食一蒸肫飲二斗酒然後臨訣直言寤矣舉  
聲一號因又吐血數升毀瘠骨立殆至滅性裴楷往  
弔之籍散髮箕踞醉而直視楷弔嘖畢便去或問楷  
凡弔者主哭客乃爲禮籍旣不哭君何爲哭楷曰阮  
籍旣方外之士故不崇禮典我俗中之士故以軌儀



自居時人歎爲兩得籍又能爲青白眼見禮俗之士以白眼對之及嵇喜來弔籍作白眼喜不懌而退喜弟康聞之乃齎酒挾琴造焉籍大悅乃見青眼由是禮法之士疾之若讎而帝每保護之籍嫂嘗歸寧籍相見與別或譏之籍曰禮豈爲我設耶鄰家少婦有美色當鑪沽酒籍常詣婦飲醉便臥其側籍不自嫌其夫察之亦不疑也兵家女有才色未嫁而死籍不識其父兄徑往哭之盡哀而還其外坦蕩而內淳至皆此類也時率意獨駕不由徑路車迹所窮輒慟哭

而反嘗登廣武觀楚漢戰處歎曰時無英雄使豎子成名登武牢山望京邑而歎於是賦豪傑詩景元四年冬卒時年五十四籍能屬文初不留思作詠懷詩八十餘篇爲世所重著達莊論叙無爲之貴文多不錄籍嘗於蘇門山遇孫登與商略終古及栖神道氣之術登皆不應籍因長嘯而退至半嶺聞有聲若鸞鳳之音響乎巖谷乃登之嘯也遂歸著大人先生傳其略曰世之所謂君子惟法是脩惟禮是克手執圭璧足履繩墨行欲爲目前檢言欲爲無窮則少稱鄉



黨長聞鄰國上欲圖三公下不失九州牧獨不見群  
蝨之處禪中逃乎深縫匿乎壞絮自以爲吉兆也行  
不敢離縫際動不敢出禪襠自以爲得繩墨也然炎  
丘火流焦邑滅都群蝨處於禪中而不能出也君子  
之處域內何異夫蝨之處禪中乎此亦籍之曾懷本  
趣也子渾字長成有父風少慕通達不飾小節籍謂  
曰仲容巴豫吾此流汝不得復爾太康中爲太子庶

子

阮籍傳終





卷之二